

U skladu sa odredbama Zakona o Javnim nabavkama i Pravilnika o utvrđivanju postupka i provođenju direktnog sporazuma Javne ustanove Osmo osnovna škola „Amer Čenanović“ Ilidža i Odluke broj: 38-II- 397/17 od dana 02.08.2017. godine **zaključuje se**

U G O V O R

o direktnom sporazumu između

JAVNA USTANOVA OSMA OSNOVNA ŠKOLA „AMER ČENANOVIĆ“ ILIDŽA, sa sjedištem u Butmiru, ulica Ilirska broj 2, PDB 01352854; ID 4200333470008, koju zastupa direktor škole ČUSTOVIĆ VAHID, u daljem tekstu: Primalac usluga

i

Zdravstvene ustanove PZU EUROFARM - CENTAR POLIKLINIKA sa sjedištem na Ilidži, ulica Butmirska cesta broj 10, ID 4200128030003 , koju zastupa generalni direktor prim.mr.ph. Šukrija Huseinović, u daljem tekstu: Davalac usluga

PREDMET UGOVORA

Član 1.

Predmet ovog ugovora je sistematski periodični pregled radnika Primaoca usluga, a od strane Davaoca usluga.

Ovim Ugovorom Primalac usluga i Davalac usluga definišu međusobna prava i obaveze u vezi s tim.

Član 2.

Sistematski ljekarski pregled radnika Primaoca usluga obuhvata:

A. Medicinske usluge i pregledi

1. Kompletan pregled specijaliste opće medicine ili specijaliste medicine rada
2. RTG pluća svih radnika
3. EKG sa interpretacijom – ukazuje nam na smjer daljih pretraga koje trebamo izvršiti, ukoliko je promijenjen
4. Oftamološki pregled
5. Bris guše i nosa – prema indikacijama – radi se ukoliko se sumnja na streptokoknu infekciju
6. Pregled i procjena psihofizičkih sposobnosti od strane specijaliste neuropsihijatra i psihologa – omogućava rano otkrivanje psihijatrijskih poremećaja, detektovanje asocijalnog ponašanja i rano otkrivanje težih psihijatrijskih poremećaja
7. Medicinski izvještaj o obavljenom ljekarskom pregledu, u kojem se rezimira kompletan sistematski pregled, postavlja se dijagnoza i terapija, ukoliko je ona potrebna

B. Laboratorijske pretrage

1. Sedimentacija
2. Kompletna krvna slika (broj leukocita, diferencijalna krvna slika (leukocita), hemoglobin, hematokrit, broj eritrocita, indeksi eritrocita, broj trombocit, trigliceridi, holesterol)
3. Šećer u krvi
4. Željezo u serumu
5. Kompletan urin

VRIJEME TRAJANJA UGOVORA I CIJENA UGOVORA

Član 3.

Sistematski pregled će se obaviti dana 23.08.2017. , 24.08.2017. i 25.08.2017. godine.

Cijena sistematskog ljekarskog pregleda iz Člana 2. Ovog Ugovora (po radniku Primaoca usluga) utvrđuje se u iznosu od 45,00 KM, a što u ukupno iznosi: **1.845,00 KM** (slovima: jednahiljadaosamstotinačetdesetpet i 00/00 KM).

Član 4.

Usluge definisane članom 1. ovog Ugovora oslobođene su plaćanja PDV-a (na osnovu ZPDV, član 24.stav 1. tačka 2 /Službeni glasnik BiH broj 9/05/ i na osnovu Pravilnika o primjeni ZPDV, član 25.tačka 1./Službeni glasnik BiH 93/05)

OBAVEZE UGOVORNIH STRANA

Član 5.

Davalac usluga se obavezuje da će usluge definisane Članom 1. Stav 1. ovog Ugovora obavljati u skladu sa važećim zakonskim propisima iz ove oblasti, a po posebno utvrđenom planu ljekarskih pregleda.

Usluge će biti obavljene od strane stručnih lica iz Medicine rada, radnika Davaoca usluga, u prostorijama Davaoca usluga, na adresi Butmirska broj 10, 71 210 Ilidža

Član 6.

Davalac usluga će po završenom pregledu dostaviti Primaocu usluga izvještaj o zdravstvenom stanju pregledanih radnika sa navedenim datumom i brojem protokola.

Primalac usluga će plaćanje usluga iz prethodnog stava izvršiti po ispostavljanju računa od strane Davaoca usluga nakon obavljene usluge, sa rokom dospijeca od 15 dana, a u skladu sa mogućnostima Trezora Kantona Sarajevo.

Član 7.

Primalac usluge se obavezuje dostaviti spisak radnika Davaocu usluge najkasnije 2 dana prije datuma dogovorenog za sistematski kontrolni ljekarski pregled.

UGOVORNA KAZNA ZA NEIZVRŠENJE OBAVEZA

Član 8.

U slučaju kašnjenja u pružanju usluga Primalac usluga će zaračunati i naplatiti davaocu na ime ugovorene kazne iznos od 0,5% vrijednost radnog sata za svaki započeti dan zakašnjenja.

ODREDBE O RASKIDU UGOVORA

Član 9.

- Svaka od ugovornih strana može jednostrano raskinuti ugovor i prije roka određenog za njegovo ispunjenje, ako je iz okolnosti posla jasno da jedna od ugovornih strana neće moći ispuniti svoju obavezu i onda kada bilo koja ugovorna strana izjavi da svoju obavezu neće ispuniti.
- Svaka od ugovornih strana može raskinuti ugovor zbog toga što neka od ugovornih strana svoje dospjele obaveze ne ispuni ni u naknadno prihvatljivom roku za sve ugovorne strane.
- Ugovor se ne može raskinuti zbog neispunjenja neznatnog dijela obaveze. Kao neznatno neispunjenje obaveze smatraće se ono koje bitnije ne otežava ostvarivanje svrhe ovog ugovora.

- Izjava o raskidu ugovora daje se pismeno.
- Ugovorna strana koja je osnovano, jednostrano, raskinula ugovor ima pravo na naknadu štete prema opštim pravilima obligacionog prava o naknadi štete.
- Ako ugovaratelji sporazumno raskinu ugovor oni sporazumno i rješavaju sva sporna pitanja nastala raskidom ugovora.
- Ugovorne strane su saglasne da se o pitanjima koja nisu regulisana ovim ugovorom primjenjuju odredbe iz Zakona o obligacionim odnosima.

VIŠA SILA

Član 10.

Ako slučaj više sile potpuno ili djelimično spriječi izvršenje obaveze po ovom ugovoru, ugovorna strana zahvaćena slučajem više sile je obavezna da o nastanku više sile, o vrsti i o eventualnom trajanju više sile pismeno obavijesti drugu ugovornu stranu u roku od 5 (pet) dana od nastanka slučaja više sile. Ako se blagovremeno ne javi nastupanje slučaja više sile, ugovorna strana koja je pogođena tom okolnošću ne može da se poziva na nju, izuzev ako sama ta okolnost ne sprečava slanje takvog obavještenja. Okolnost više sile se dokazuje odgovarajućom dokumentacijom/dokazima izdatom/im od strane nadležnog organa.

Pod višom silom, u smislu prethodnog stava, smatraju se spoljni i vanredni događaji koji nisu postojali u vrijeme potpisivanja ugovora, koji su nastali mimo volje ugovornih strana, čije nastupanje i dejstvo ugovorne strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Kao slučajevi više sile smatraju se sljedeći događaji: rat i ratna dejstva, pobuna, mobilizacija, štrajk u preduzećima ugovornih strana, epidemija, požar, eksplozije, saobraćajne i prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglašuje kao slučajeve više sile.

Za vrijeme trajanja više sile obaveze Primaoca i Davaoca usluga po ovom Ugovoru miruju, ne primjenjuju se odredbe o ugovornoj kazni definisane članom 8. ovog Ugovora, s tim da se rok za izvršenje obaveza ugovornih strana produžava za period koji odgovara trajanju slučaja više sile i razumni rok za otklanjanje posljedica više sile.

Ukoliko slučaj više sile bude trajao duže od 30 (trideset) dana, Primalac i Davalac usluga će se sporazumijeti o daljoj sudbini Ugovora. Ukoliko se isti ne sporazumiju o sudbini ugovora, ugovorna strana kod koje nije nastupila viša sila ima pravo na raskid ugovora pošto o tome pismeno obavijesti drugu ugovornu stranu.

RJEŠAVANJE SPOROVA

Član 11.

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je sud u Sarajevu.

Član 12.

Ugovorne strane su saglasne da se na sva pitanja koja nisu regulisana ovim ugovorom primjenjuju odredbe Zakona o obligacionim odnosima.

OSTALE ODREDBE

Član 13.

Sve izmjene ovog ugovora mogu se vršiti isključivo i samo uz pismenu saglasnost ugovornih strana.

Član 14.

Ovaj ugovor stupa na snagu danom potpisivanja od strane ovlaštenih lica ugovornih strana.

Član. 15.

Ovaj ugovor je sačinjen u 3 (tri) istovjetna primjeraka od kojih Primalac zadržava 2 (dva), a Davalac usluga jedan (1) primjerak ugovora.

UGOVORNE STRANE

DAVAOC USLUGA

PZU EUROFARM - CENTAR POLIKLINIKA



Generalni direktor, Prim.mr.ph.. Šukrija Huseinović

Broj protokola: kg-150/17

Datum: 07.08.2017.

PRIMALAC USLUGA

JU OSMA OSNOVNA ŠKOLA

„AMER ČENANOVIĆ“ ILIDŽA



Direktor škole, Vahid Čustović

Broj protokola: 33-11-399/17

Datum: 07.08.2017.